

---

OFFERYNNAU STATUDOL CYMRU

---

**2016 Rhif 1221 (Cy. 292)**

**Y GWASANAETH IECHYD GWLADOL, CYMRU**

**Rheoliadau'r Gwasanaeth Iechyd Gwladol (Radiograffydd  
Therapiwtig-Ragnodydd Annibynnol a Deietegydd-  
Ragnodydd Atodol) (Diwygiadau Amrywiol) (Cymru) 2016**

<i>Gwnaed</i>	- - - -	<i>14 Rhagfyr 2016</i>
<i>Gosodwyd gerbron Cynulliad</i>		
<i>Cenedlaethol Cymru</i>	- -	<i>19 Rhagfyr 2016</i>
<i>Yn dod i rym</i>	- -	<i>9 Ionawr 2017</i>

Mae Gweinidogion Cymru, drwy arfer y pwerau a roddir gan adrannau 47, 80, 83 a 203(9) a (10) o Ddeddf y Gwasanaeth Iechyd Gwladol (Cymru) 2006(1), ac adrannau 77 a 90 o Ddeddf Newid yn yr Hinsawdd 2008(2), a pharagraff 3 o Atodlen 6 iddi, yn gwneud y Rheoliadau a ganlyn:

**Enwi, cychwyn a chymhwyso**

1.—(1) Enw'r Rheoliadau hyn yw Rheoliadau'r Gwasanaeth Iechyd Gwladol (Radiograffydd Therapiwtig-Ragnodydd Annibynnol a Deietegydd-Ragnodydd Atodol) (Diwygiadau Amrywiol) (Cymru) 2016 a deuant i rym ar 9 Ionawr 2017.

(2) Mae'r Rheoliadau hyn yn gymwys o ran Cymru.

**Dehongli**

2. Yn y Rheoliadau hyn—

ystyr “Rheoliadau 2004” (“*the 2004 Regulations*”) yw Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Cymru) 2004(3);

ystyr “Rheoliadau 2007” (“*the 2007 Regulations*”) yw Rheoliadau'r Gwasanaeth Iechyd Gwladol (Presgripsiynau am Ddim a Ffioedd am Gyffuriau a Chyfarpar) (Cymru) 2007(4);

ystyr “Rheoliadau 2010” (“*the 2010 Regulations*”) yw Rheoliadau Codi Tâl am Fagiau Siopa Untro (Cymru) 2010(5); ac

---

(1) 2006 p. 42.

(2) 2008 p. 27.

(3) O.S. 2004/478 (Cy. 48). Yr offeryn diwygio perthnasol yw O.S. 2007/205 (Cy. 19) ac O.S. 2014/2291 (Cy. 226).

(4) O.S. 2007/121 (Cy. 11). Yr offeryn diwygio perthnasol yw O.S. 2014/2291 (Cy. 226).

(5) O.S. 2010/2880 (Cy. 238). Yr offeryn diwygio perthnasol yw O.S. 2014/2291 (Cy. 226).

ystyr “Rheoliadau 2013” (“*the 2013 Regulations*”) yw Rheoliadau'r Gwasanaeth Iechyd Gwladol (Gwasanaethau Fferyllol) (Cymru) 2013(6).

### Diwygio Rheoliadau 2004

3.—(1) Mae Rheoliadau 2004 wedi eu diwygio yn unol â darpariaethau canlynol y rheoliad hwn.

(2) Yn rheoliad 2(1), yn y lleoedd priodol yn nhrefn yr wyddor mewnosoder y diffiniadau a ganlyn—

““the Health and Care Professions Council register” means the register established and maintained by the Health and Care Professions Council under article 5 of the Health and Social Work Professions Order 2001(7);”;

““registered radiographer” means a person registered in Part 11 of the Health and Care Professions Council register;”;

““therapeutic radiographer independent prescriber” means a person —

- (a) who is a registered radiographer; and
- (b) against whose name is recorded in the relevant register
  - (i) an entitlement to use the title “therapeutic radiographer”; and
  - (ii) an annotation signifying that he or she is qualified to order drugs, medicines and appliances as a therapeutic radiographer independent prescriber;”.

(3) Yn rheoliad 2(1) —

(a) yn y diffiniad o “prescriber”—

- (i) yn is-baragraff (f) hepgorer “and”;
- (ii) yn is-baragraff (g) ar ôl “prescriber;” mewnosoder “and”;
- (iii) ar ôl is-baragraff (g) mewnosoder—

“(h) a therapeutic radiographer independent prescriber;”;

(b) yn y diffiniad o “supplementary prescriber” ar ôl is-baragraff (b)(iv)(cc) mewnosoder — “(dd) dietitians, or”; ac

(c) yn y diffiniad o “relevant register” ar ôl is-baragraff (c)(i) mewnosoder — “(ia) dietitians;”.

(4) Ym mharagraff 49(3) a (4) o Atodlen 6 (telerau sy'n berthnasol i ddarparu gwasanaethau gweinyddu) ar ôl “chiropract independent prescriber” ym mhob lle y mae'n digwydd mewnosoder “, a therapeutic radiographer independent prescriber”.

(5) Ym mharagraff 64(1) a (2) o Atodlen 6 (sy'n ymwneud â nyrsys sy'n rhagnodi'n annibynnol, nyrsys-ragnodwyr annibynnol, fferyllwyr-ragnodwyr annibynnol, ffisiotherapyddion-ragnodwyr annibynnol, podiatryddion-ragnodwyr neu giropodyddion-ragnodwyr annibynnol a rhagnodwyr atodol) ar ôl “chiropract independent prescriber” ym mhob lle y mae'n digwydd mewnosoder “, a therapeutic radiographer independent prescriber”.

(6) Ym mhennawd paragraff 64 o Atodlen 6, ar ôl “chiropract independent prescriber” mewnosoder “, therapeutic radiographer independent prescriber”.

### Diwygio Rheoliadau 2007

4.—(1) Mae Rheoliadau 2007 wedi eu diwygio yn unol â darpariaethau canlynol y rheoliad hwn.

---

(6) O.S. 2013/898 (Cy. 102). Yr offeryn diwygio perthnasol yw O.S. 2014/2291 (Cy. 226).

(7) O.S. 2002/254.

(2) Yn rheoliad 2(1), yn y lleoedd priodol yn nhrefn yr wyddor mewnosoder y diffiniadau a ganlyn—

“ystyr “cofrestr y Cyngor Proffesiynau Iechyd a Gofal” (*“the Health and Care Professions Council register”*) yw'r gofrestr a sefydlwyd ac a gynhelir gan y Cyngor Proffesiynau Iechyd a Gofal o dan erthygl 5 o Orchymyn Proffesiynau Iechyd a Gwaith Cymdeithasol 2001;”;

“ystyr “radiograffydd cofrestredig” (*“registered radiographer”*) yw person sydd wedi ei gofrestru yn Rhan 11 o gofrestr y Cyngor Proffesiynau Iechyd a Gofal;”;

“ystyr “radiograffydd therapiwtig-ragnodydd annibynnol” (*“therapeutic radiographer independent prescriber”*) yw person—

- (a) sy'n radiograffydd cofrestredig, a
- (b) y cofnodir yn erbyn ei enw yn y gofrestr berthnasol—
  - (i) hawl i ddefnyddio'r teitl “radiograffydd therapiwtig”; a
  - (ii) nodyn yn dynodi ei fod yn gymwys i archebu cyffuriau, meddyginiaethau a chyfarpar fel radiograffydd therapiwtig-ragnodydd annibynnol;”.

(3) Yn rheoliad 2(1)—

- (a) yn y diffiniad o “rhagnodydd” (*“prescriber”*)—
  - (i) yn is-baragraff (dd) hepgorer “ac”;
  - (ii) yn is-baragraff (e) yn lle “rhagnodydd annibynnol.” mewnosoder “rhagnodydd annibynnol; ac”;
  - (iii) ar ôl is-baragraff (e) mewnosoder—
    - (f) radiograffydd therapiwtig-ragnodydd annibynnol;”;
- (b) yn y diffiniad o “cofrestr berthnasol” (*“relevant register”*) ar ôl is-baragraff (c)(i) mewnosoder—
  - (ia) deietegwyr;”;
- (c) yn y diffiniad o “rhagnodydd atodol” (*“supplementary prescriber”*)—
  - (i) ar ôl “diagnostig neu therapiwtig,” hepgorer “neu”; a
  - (ii) ar ôl is-baragraff (a)(iv)(cc) mewnosoder—
    - (chch) deietegwyr, neu”.

### Diwygio Rheoliadau 2010

5.—(1) Mae Rheoliadau 2010 wedi eu diwygio yn unol â darpariaethau canlynol y rheoliad hwn.

(2) Ym mharagraff 1(2)(a) o Atodlen 1 (Esemptiadau), ar ôl “podiatrydd-ragnodydd neu giropodydd-ragnodydd annibynnol” mewnosoder “, radiograffydd therapiwtig-ragnodydd annibynnol”.

(3) Ym mharagraff 1(3) o Atodlen 1 yn y lle priodol yn nhrefn yr wyddor mewnosoder—

“mae i “radiograffydd therapiwtig-ragnodydd annibynnol” (*“therapeutic radiographer independent prescriber”*) yr ystyr a roddir yn rheoliad 2(1) o Reoliadau'r Gwasanaeth Iechyd Gwladol (Gwasanaethau Fferyllol) (Cymru) 2013;”

### Diwygio Rheoliadau 2013

6.—(1) Mae Rheoliadau 2013 wedi eu diwygio yn unol â darpariaethau canlynol y rheoliad hwn.

(2) Yn rheoliad 2(1), yn y lle priodol yn nhrefn yr wyddor mewnosoder y diffiniadau a ganlyn—

“ystyr “cofrestr y Cyngor Proffesiynau Iechyd a Gofal” (*“the Health and Care Professions Council register”*) yw'r gofrestr a sefydlir ac a gynhelir gan y Cyngor Proffesiynau Iechyd a Gofal o dan erthygl 5 o Orchymyn Proffesiynau Iechyd a Gwaith Cymdeithasol 2001;”;

“ystyr “radiograffydd cofrestredig” (*“registered radiographer”*) yw person sydd wedi ei gofrestru yn Rhan 11 o gofrestr y Cyngor Proffesiynau Iechyd a Gofal;”;

“ystyr “radiograffydd therapiwtig-ragnodydd annibynnol” (*“therapeutic radiographer independent prescriber”*) yw person—

- (a) sy'n radiograffydd cofrestredig, a
- (b) y cofnodir yn erbyn ei enw yn Rhan 11 o gofrestr y Cyngor Proffesiynau Iechyd a Gofal —
  - (i) hawl i ddefnyddio'r teitl “radiograffydd therapiwtig”; a
  - (ii) nodyn yn dynodi ei fod yn gymwys i archebu cyffuriau, meddyginiaethau a chyfarpar fel radiograffydd therapiwtig-ragnodydd annibynnol;”.

(3) Yn rheoliad 2(1) —

- (a) yn y diffiniad o “rhagnodydd” (*“prescriber”*) ar ôl “ciropodydd-ragnodydd annibynnol” mewnosoder “, radiograffydd therapiwtig-ragnodydd annibynnol”; a
- (b) yn is-baragraff (c)(i) o ddiffiniad “rhagnodydd atodol” (*“supplementary prescriber”*) ar ôl “chiropanyddion a phodiatriyddion,” mewnosoder “ deietegwyr,”.

14th December 2016

*Vaughan Gething*  
Ysgrifennydd y Cabinet dros Iechyd, Llesiant a  
Chwaraeon, un o Weinidogion Cymru.

---

## NODYN ESBONIADOL

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Cymru) 2004, Rheoliadau'r Gwasanaeth Iechyd Gwladol (Presgripsiynau am Ddim a Ffioedd am Gyffuriau a Chyfarpar) (Cymru) 2007 a Rheoliadau'r Gwasanaeth Iechyd Gwladol (Gwasanaethau Fferyllol) (Cymru) 2013 drwy estyn y diffiniad o ragnodydd drwy fewnosod categori ychwanegol o ragnodydd annibynnol: radiograffydd therapiwtig-ragnodydd annibynnol a thrwy estyn y diffiniad o ragnodydd atodol i gynnwys deietegwyr.

Mae'r Rheoliadau hyn hefyd yn diwygio Rheoliadau Codi Tâl am Fagiau Siopa Untro (Cymru) 2010 drwy estyn yr esemptiad i'r gofyniad i godi tâl am fagiau siopa untro.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad